

Gyne

▶ طبيعة الدوام :

دوام لمدة شهرين ، الشهر الأول فالجامعة والثاني بتتقسموا نصفين نصف بالبشير ونصف بالمدينة .

دوام الجامعة بتتوزعوا قروبات على الأخصائية وجدول الدوام بكون موزع يومين راوند ويومين عيادات ويوم ولادة وفي اسابيع بكون فيها بدل الراوند الثاني skills lab بتتعلموا فيه اشياء عملية بالنسائية

طبعا هاي التوزيعات طول الاسبوع بتختلف حسب دوام الاخصائي وبخبروكم فيها المقيمين المسؤولين عن الطلاب بالقسم اول يوم دوام بالروتيشن

- ▶ طول الشهر اللي بتداوموه بالجامعة بكون في سيمينارين واحد ع ال ٨ والثاني ع ال ٢ مرات بيؤخذو فيهم حضور ومرات لا حسب الوضع والمحاضرتين بكونو بمدرج المستشفى
- ▶ بالراوند بتلقو ع المرضى وبتتعلموا تؤخذوا ال history منهم لأنه في أجزاء جديدة بال gynecological history مختلفة عن ال history اللي كنتو تؤخذوه بالباطني والجراحة
- ▶ العيادات بالجامعة موجودة بالطابق الثالث بمبنى العيادات وهي اكثر مكان بتقدرو تتعلمو فيه بحكم انا بنداوم فيها كثير وبتشوف المقيمين كيف بيؤخذو ال history وكيف بعملو ال PE وبتتعلمو شوي ع جهاز ال ultrasound بس عشان تحصلو كل هاي المعلومات لازم تظلو انتو تسألو عن كل اشي لانه المقيم بكون مشغول مع المرضى واذا ما سألته انت ما بحكي لحاله

▶ يوم الولادة يكون يوم واحد بالاسبوع فقط ، بتتعرفوا فيه ع ال labor world
ويمكن يصحلكم تحضرو normal vaginal delivery وتشوفو خلالها
ال stages of labor ، بس كثير ايام ممكن ما يكون متوفر حالات ولادة
خلال فترة دوامكم ف اللي حابب يشوف ممكن يضطر يستنى شوي بعد الدوام او
يعطي رقمه للمقيم الموجود عشان يتواصل معه في حال اجت حالة ولادة

▶ ومرات اذا كان الاخصائي اللي مداومين معه مداوم بهاد اليوم بوحدة الام والطفل
بتداومو معه

► من افضل الاشياء الموجودة بدوام النسائية عنا بالجامعة هي سمنارات الدكتور ماجد باطا ، لما تبلشوا دوام بقسموكم مجموعتين a, b وحدة من المجموعتين خلال اول اسبوعين من دوام الجامعة بكون عندها سيمينار يومياً ما عدا يوم واحد فقط مع الدكتور ماجد والمجموعة الثانية بكون عندها أول أسبوعين **skills lab** مع واحد من الأخصائية وثاني اسبوعين بصير العكس وبتقلبو دواماتكم .

► دوام النسائية مدينة:

التوزيعات بتيجي جاهزه من السيكرتيره باخر يوم دوام بقسم النسائيه بشهر
الجامعه

بس يطلع التوزيع اللي ما عندو تصريح بقدر يراجع السكرتيره او ست هيفاء او
دكتوراة فداء ويطلب نقل على البشير

الدوام يبدأ على الساعه ٩ - ١٠:٩ بييجي الدكتور رامي شويات وبيوخذ حضور
بشكل يومي وبحفظ اللي بداومو واللي بتاخرو***واذا كان الغياب او التأخير
كثير باثر على التقييم

(اللي بروح بالباص بيوصل على الوقت)

الدكتور رامي هو المسؤول عن الطلاب وهو شديد شوي وبسرعه بعصب وبكره
يشوف حدا ماسك التلفون (بطرده)

و بيوصل كل اشئ بزعهه بالقروب مثل الغياب الجماعي لدكتوراه فداء فلذلك
ديروا بالكم

► بعد الحضور اول يوم بدلكم الدكتور رامي على اماكن تواجد دكاترتكم سواء (ولادة ، عمليات، راوند، عيادة) بعدين انتو بتصيرو تتفقوا مع دكتوركم وين تلاقوه ثاني يوم
طبعاً كل قروب حيكون اله يوم ولادة ، يوم او يومين عمليات وباقي الايام حسب دكتورك

الدوام بالمدينه بعتمد على الاخصائي اللي بتداومو معه

١- ممكن يكون كثير كثير مفيد اذا انتو حابين تتعلمو

٢- وممكن ما تشوف الاخصائي المسؤول عنك اذا كان كثير مشغول وتضلو

موزعين ع القروبات الثانيه

بعد هيك كل يوم بترجعو على الساعه ١٢ (او حسب شو بحولكم اول يوم)

بكون في سيمينار قصير ساعه او اقل حسب الدكتور

بس اقصاها للساعه وحده وبتروحو

سيمينار الساعه ١٢ كل يوم بيعطيه دكتور ومرات بكون كثير مفيد خاصة اذا

دكتور

(رامي ، طارق)

****ويوم الخميس ما في سيمينار

****يفضل اول يوم يكون الكل معه سكر ب

▶ الان مادة النسائية تقسم لقسمين رئيسيات اللي هم ال gyne اللي بتشمل الأمراض النسائية وال obstetrics اللي بتشمل كل ما يتعلق بالحمل والولادة والامراض اللي بتصير خلال هاي الفترة

▶ توزيعات الاسئلة علي قسمي المادة بختلف كل مرة بس غالبا بيجي اكثر ع مادة ال obs كونها اكبر من مادة ال gyne

- ▶ بالنسبة لمصادر الدراسة
في دوسيات وفي كتب ، الدوسيات في دوسية سارة غيث ، كل معلوماتها من kaplan وممتازة جداً ومفهومة بس ممكن يكون فيها كم معلومة ناقصة كونه المصدر المعتمد عنا هو كتاب hacker
في كمان دوسيات جديدة نزلت السنة الماضية مصدرها كتاب hacker
وللي بده يدرس كتاب في كتابين
hacker اللي هو الكتاب المعتمد بس كبير نوعا ما
وفي blueprint كتاب لطيف واسلوبه حلو وبمشي منيح بالدراسة
- ▶ برضو كتابة نوتس مع الدكاترة خلال السيمينارات اشى مفيد وبساعد بتثبيت المعلومات عندكم

▶ وطبعاً ما ننسى ال past papers كمصدر مهم للدراسة ، بحيث انه هي افضل اشئ لل orientation وانك تعرف كيف تدرس المادة الطريقة المقترحة للدراسة بكل اشئ بسنة خامسة هي انك تشوف باست بيير المادة اول وتشوف ع ايش بركزو وكيف بتيجي الاسئلة ع المواضيع بعدين تبلش تدرس بناءً ع اللي شفته بالباست بيير

▶ الآن الدوسيات هاي و لينكات الكتب اللي حكيينا عنهم والباست بيبر وبرضو نوات ممكن تفيد بدراسة المادة كتبوها زملائنا بتلاقوها كلها موجودة ع هاد اللينك

<https://juclinical.com/gynecology-obstetrics/>

▶ نيجي ع الامتحانات

في عنا اوسكي بنهاية الروتيشن وامتحان فاينل بنهاية السنة
الايوسكي بكون ٤ ستيشنات غالبا ٢ gyne و ٢ obs وبكون في check
list مع الممتحن ، بس اوسكي النسائية اقرب لل oral يعني بتلاقي الممتحن
بسالك السؤال بعدين بحكيك شو بدك تسأل المريضة كمان اسئلة ، او اعطيني ال
risk factors لهاي الحالة مثلا أو شو بدك تعملها management
يعني بدكم تكونو حافظين المادة النظري كلها مشان تزبطو بالاوسكي

▶ بس الفكرة انه في مواضيع معينة بتتكرر بالاوسكيات هي اللي مهم تكونو
دارسينها وحافظينها منيح ، علما انهم ممكن يجيبو اي موضوع

- ▶ امتحان الفاينل يكون برضو بكل المادة اللي انتو اصلا درستوها للاوسكي اضافة لكل المواضيع اللي ما لحقتو تدرسوها بنهاية الروتيشن
- ▶ مهم تشوفو باست بيبر مشان تعرفو كيف تدرسو المادة
- ▶ امتحان الاوسكي عليه ٣٠ علامة وتقييمات الدوام بالنهاية بتتحول من ٢٠ و امتحان الفاينل من ٥٠
- ▶ الافريج فيها ع الاغلب يكون واطي وال A بالسنتين الماضيين لحقت نهاية السبعينات